

# *Sekapur Sirih*



## MASAGOS ZULKIFLI BIN MASAGOS MOHAMAD

Menteri Sekitaran dan Sumber Air  
Kementerian Sekitaran dan Sumber Air

Tema Seminar Bahasa Melayu 2017 kali ini, **Menyempurnakan Kata, Menyampaikan Makna**, memberikan tumpuan pada pengajaran dan pembelajaran tatabahasa dan kosa kata dalam kalangan guru dan pelajar. Saya kagum dengan kesediaan Pusat Bahasa Melayu Singapura memilih tema ini kerana sejak sekian lama seminar yang dijalankan di Singapura untuk para guru kita lebih memberikan tumpuan pada kaedah pengajaran dan penilaian kemahiran-kemahiran berbahasa.

Aspek tatabahasa sering dianggap sebagai komponen bahasa Melayu yang sukar dan membosankan. Tanggapan ini timbul kerana ramai yang beranggapan bahawa tatabahasa hanya terdiri daripada rumus-rumus bahasa yang perlu dipelajari melalui penghafalan. Lantas, kerana tanggapan inilah tidak ramai pelajar yang dapat menguasai aspek ini walaupun mereka sudah mempelajarinya sejak sekolah rendah lagi. Oleh yang demikian, para pelajar sering melakukan kesilapan yang sama dalam penggunaan bahasa tidak kira dalam komunikasi lisan dan penulisan.

Terdapat 48 kertas kajian berasaskan bilik darjah yang akan dikongsikan oleh para penyampai semasa sesi sidang selari. Dalam kajian-kajian yang dijalankan, para guru menyampaikan pandangan secara tuntas bahawa ketepatan bahasa haruslah memenuhi sistem dan struktur yang tepat. Setiap pengguna bahasa perlu mengikut peraturan menggunakan bahasa dengan betul. Tanpa sistem dan struktur, maka banyaklah persoalan yang akan timbul, antaranya bagaimanakah bahasa akan dipelajari dan digunakan untuk berkomunikasi secara berkesan. Hal inilah yang menjadikan pengajaran dan pembelajaran tatabahasa tidak boleh dipandang remeh.

Syabas kepada semua guru pembentang yang sedia berkongsi hasil kajian di bilik darjah sebagai sajian ilmu untuk semua. Tahniah saya ucapkan kepada Pusat Bahasa Melayu Singapura kerana terus mengukuhkan iltizam demi memperkasakan guru Bahasa Melayu di Singapura.

Terima kasih dan selamat berseminar.

# *Seulas Pinang*

**MOHAMED NOH DAIPI**

Pengarah Pusat Bahasa Melayu Singapura  
Akademi Guru Singapura  
Kementerian Pendidikan Singapura



Pada tahun ini, Pusat Bahasa Melayu Singapura mengambil usaha proaktif memilih tema **Menyempurnakan Kata, Menyampaikan Makna** dengan menjurus kepada pengajaran dan pembelajaran tatabahasa dan kosa kata bagi Seminar 2017. Hal ini dilakukan walaupun terdapat tanggapan bahawa para pendidik bahasa Melayu kita dikatakan masih memerlukan sokongan yang lebih kukuh dalam mengajar aspek-aspek tatabahasa di bilik darjah. Para guru kita memerlukan bimbingan yang lebih tuntas untuk menetapkan sebanyak mana sesuatu aspek tatabahasa perlu diajarkan dan menentukan kaedah pengajarannya yang berkesan.

Sahutan dan sambutan daripada para guru kita untuk menjalankan kajian berkaitan pengajaran dan pembelajaran tatabahasa dan kosa amat memberangsangkan. Terdapat sebanyak 48 kertas kajian yang akan disampaikan oleh 138 orang guru sekolah rendah, menengah dan maktab rendah. Iltizam yang ditunjukkan oleh para guru Bahasa Melayu kita tidak pernah menghamparkan. Mereka menyahut cabaran dengan bersedia menjalankan kajian yang melibatkan usaha mengenal pasti masalah yang dihadapi pelajar dan menyarankan masalah-masalah tersebut dapat dihuraikan.

Usaha para Guru Pakar yang membimbing para pengkaji melakukan kajian di sekolah dan mengedit kertas kajian secara aktif layak diberikan sanjungan. Usaha sama antara mereka dengan para guru pengkaji menunjukkan hubungan profesional yang akrab dalam meningkat mutu dan keberkesan dalam pengajaran dan pembelajaran di bilik darjah, khususnya berkaitan aspek tatabahasa.

Semoga Seminar Bahasa Melayu akan terus menjadi wahana untuk kita sama-sama meningkat prestasi para guru dan pelajar kita.

## *Tunjuk Ajar Melayu*

---

apa isi tunjuk ajar Melayu,  
penyuci akal, penenang kalbu

apa isi tunjuk ajar Melayu,  
sari akidah, patinya ilmu  
mengekalkan tuah sejak dahulu

banyak keduduk banyak bijinya  
banyak belukar banyak kayunya  
banyak petunjuk banyak isinya  
banyak pengajar banyak ilmunya

*Tenas Effendy (2006), Tunjuk Ajar Melayu:  
Butir-butir Budaya Melayu Riau*